



楚辭後語卷七

樵李蔣之翹補撰

思歸引

思歸引者我明誠意伯劉文成公之所作也公諱
基字伯溫浙之青田人其才特伊呂之佐詩文皆緒
餘耳故鉅章鴻調亦足追步梁父憑陵燕公云

山高高兮可以望四荒胡躋爾巔兮而不見我故鄉歲
云暮兮無衣裳車罷馬羸兮僕夫頓僵水有蛟鱗兮陸
有虎狼于嗟柰何兮惟懷永傷

絕命辭

絕命辭者遜國臣文學博士方孝孺之所作也孝孺字希直一字希古台寧海人靖難兵起建文君遜去文皇以姚廣孝言召用孝孺不肯屈繫獄一日遣人諭再三終不從又召孝孺草詔及見悲慟徹殿陛上降榻勞曰先生無自苦余欲法周公輔成王耳孝孺曰成王安在文皇曰渠自焚死孝孺曰成王卽不存何不立成王之子文皇曰國賴長君孝孺曰何不立成王之弟文皇曰先生無過勞苦置左

右授筆札又曰詔天下非先生草不可孝孺大批數字投筆于地又大哭且罵且哭曰死卽死詔不可草文皇大怒命磔諸市孝孺慨然就戮神氣激揚爲此辭云

天降喪亂兮孰知其由奸臣得計兮謀國用猶忠臣發憤兮血淚交流以死殉君兮抑又何求嗚呼哀哉兮庶不我尤

琴操

琴操者學士王達之所作也達字達善無錫人其人

謙和恭慎能詩文 文皇嘗問達建文君事對曰建
文君亦可與爲善顧輔導非人耳 文皇遂薄達一
日達侍問達十難字達識其八曰朕更有難字難汝
達懼服銀屑死嗟乎達雖身事 文皇實心於建文
者也此二操亦或有所况云

前旌操衛宣公納伋之妻宣姜生壽及朔朔與宣
姜愬伋于公公令伋之齊使賊先待于隘而殺之
壽知之以告伋伋曰君命也不可以逃壽竊其節
而先往賊殺之伋至曰君命殺我壽有何罪賊又

殺之

飛旌兮影單白刃兮光寒兄之去兮路漫漫弟之心兮
悲且酸天昭昭兮理實難兄生弟死兮心何安

後旌操前旌昔人有之而後旌獨闕故用補焉

血濺濺兮載途嗟吾弟兮何辜弟之死兮實爲吾吾不
死兮心愧諸失親所愛兮兒罪當誅

自哀

自哀者國嬪郭善理之所作也善理名愛鳳陽人
宣宗聞其賢聘至都竟病卒封國嬪事載淑秀集其

辭哀切。酷效文姬。尤得性情之正。屬續辭于淹訣之際。猶春容永懷如此。非聞道者。儔能之。推其恒居所詠必多。雅辭僅見此篇。惜哉。古宮閨里巷之語于政化。豈無補云。

修短有數。兮不足較也。生而如夢。兮死則覺也。先吾親而歸兮。獨慚予之不孝也。心悽悽而不能已兮。是則可悼也。

省愆賦

省愆者。空同子李夢陽之所作也。夢陽字獻吉。慶陽

人。寓大梁。其才宏偉奇瑰。實我

明中興宗。匠官江

西學憲。弘治間嘗坐榆河驛倉糧。又坐劾壽寧侯事。正德間又坐劾劉瑾等封事十年之中。三下其吏坎壈。亦云至矣。故憤激之衷。吐辭莫不追步楚騷。有逼肖者。儻若人生宋玉景差之間。並驅南荆。未知鹿死誰手。

伊余幼好此騏驥兮。服偃蹇以驕駑。載銜轡而周流兮。耿旣得此中路。余謂秉質曷固兮。謂蘭蕙介而過疑。援鳴鳩使爲理兮。俾高舉而並馳。旣倅直而不豫兮。又任

怨而于係固羣犬之難犯兮每陷危而弗懼余豈不知
曉曉者之寡完兮羗堅忍而弗懲驟諫諍以離尤兮奔
飄風之相仍交不深而易絕兮儵中道而改度媒阻絕
之不通兮焉孰導余以前路放子嗟而掩涕兮逐臣去
而不還紆鬱邑以屈抑兮恐日薄于西山浮洋洋余焉
極兮濫透移而游滄相曹梁之廢墟兮攬長河之緒風
信孔樂非我願兮望北嶺而歔歔效桃鳥以自珍兮遘
羅網之不意憐赫夏以桎梏兮雷無雲而晝鳴愍棘扉
之卑惡兮夜不見月與星吾聞湯文遭繫兮豈其博修

之故惟鄙人之不葵兮固宐蒙詬而遭怒步庭堦而遙
望兮宮殿鬱而槩天願嗽志之無路兮倚北戶而嬋媛
觀炎炎之扇埃兮地沮洳又蕪穢哭與哭之相聞兮對
飲食而不能下怨長日而望夜兮夜明闇又若歲蚊蝓
伺人以唐旁兮鼠登床而鳴逝饨佗係余隱軫兮哀民
生之多巖數雖萬變豈其可槩兮孰渙忍而不踰援往
聖以爲程兮按余志且焉止戢夢忽乎余上征兮覓浮
游之逖逖過太儀叩天閭兮捫白榆之歷歷進不入以
遭迴兮退余將覽天下土馮玄雲以相羊兮洵極樂而

無所撫辰星以攄虜兮擬雄虹而降觀飲積清之浮涼
兮依北斗而浩嘆何民生之錯雜兮紛既有此多難心
猶豫而內訟兮悔有目之不見寤周覽以增歎兮塊獨
處此幽域鴟鴞萃而翔舞兮鳳凰饑而夜食衆報沓以
自媚兮焉誰察余之慢慢閔芳華之霑落兮秋風至而
改期颯蕭颯以摧容兮天溘溘又陰雨幽屋破而下淋
兮牀一夜而十徙恹蘊倫以省故兮冀一見之不可得
日昧昧以將入兮掩衾裯而太息惜余年之強壯兮常
坎坷而滯留憐鬢黟之漸變兮恐芳草爲之先秋情有
感而難忘兮性有紕而不釋念昔者之周渥兮孰堅忍
而拋擲閔紆壹以忱瞽兮竊陳詩以自抒懼言弱而道
阻兮恒潛隱而思慮

吊申徒狄文

吊申徒狄者李夢陽之所作也

覽洪河之吐噏兮洵欲濟而無杭物有離而不回兮勢
有激而難當劇厥人之抗行兮羗自沉而弗疑恬齋志
以長畢兮庶聞者其猶悟之彌六合以設弋兮鸞鳥騰
而不反蛟龍湧以避害兮惟恐去之弗遠不吾知其亦

已兮何荃之忽焉而莫斯睹監四方以求索兮孰聘美
而釋女曰羣汝汝以滑濁兮班予馬莫之適也衆披離
以障之兮又入而莫之白也進惴惴余瞿遽兮固不若
死之爲安寧負石以葬河魚之腹兮孰忍利菑而盤桓
竭誠信以諫君兮反罪過又謂欺惟堅僻之顛忠兮任
飛廉而不疑余固知佞媚之能周兮經秉質莫之移也
介塊處而無營兮又衆人之所哈也既謂干爲忠兮胡
又附雷開與惡來既曰切人微兮曷不委曲而導之悲
時俗之顛倒兮先生獨遭遇乎此時燕雀烏鵲噪堂階

兮鸞鳳出而見縻曩余知材朴之爲崇兮迺強而不謂
之信然苟作善降之祥兮彼梅伯又何以顛捐規矩而
改錯兮斯固時之態也荃既與彭咸齊名兮亦何必怨
此害也鬱終古其侘傺兮脊悒悒之不可平循隋岸以
遭迴兮戒舲船余怍營泝河流以投辭兮氣紆結而填
臆慨往後之迷誤兮社稷顛而用屋重曰昔有大夫曰
申徒兮懷瑾弗展負石投河兮寃抑內憤靈汎濫兮湍
瀨礚礚愁人心兮忠回倒植固庸態兮嗚呼先生女又
何懟兮伯夷子胥與爾爲顛兮

君夷猶

君夷猶者李夢陽之所作也蓋取九歌君不行兮夷猶之意以名篇爾

登樓兮送君日盈盈兮將落曖弗鬱兮帶長薄君夷猶兮吹間作巢燕兮既辭又鳴兮聽聒紛軒蓋兮總總君胡爲兮南都若有人兮被杜蘅帶薜蘿兮蕙纓中有懷兮荃不知臨修路兮悵天涯悵天涯兮望煙渚信予美兮誰與龍城兮貝闕君暮趨兮朝謁采芳芷兮江中望佳人兮天北

騁望

騁望者李夢陽之所作也

送佳人兮江渚嫋嫋兮雲氣下鳥翩翩兮戾止蹕暮吟兮獨苦余遭迴兮隱軫寒中洲兮偃蹇心相親兮口難言目不覩兮日以遠風濤兮浩蕩涉浦兮騁望蘭被汀兮歲蕤杜參差兮夕漲君稅楫兮前坻復容與乎中渚恂恂兮將從憺淹留兮誰與

蹇賦

蹇賦者信陽何景明之所作也景明字仲默官陝西

學憲與李夢陽齊名爲人謙抑溫退未嘗以才凌人
及論國家事當否則蹈厲奮發有萬人獨往之氣一
生不問家人產事所著騷賦數十篇皆摹效屈宋惜
其骨力纖弱非楚材也獨此稱最勝云

悲世塗之迫阨兮互險坦而多岐蹇余步之躑躅兮屢
前却而狐疑衆趨蹕而便捷兮又車輶而馬習羗量力
而退守吾拙兮固將遜彼之超軼物有堅而不化兮性
有蠢而難移循故躅而弗舍兮衆覩其躑躅而笑之余
豈無麒麟之玉駟兮意猶豫而不敢進臨修路而遭迴

兮恐叢棘之未盡昔予膏車而北騫兮顧九折而返御
豈吾志之未遐兮蓋懼夫途遠而日暮世周逝而徑造
兮高健羨而卑德謂康莊爲迂兮謂蹊爲直予豈不知
儼捷之逢合兮與奔兢之先至爰卻走以求完兮固宜
盤桓而弗利閔疾行之冒險兮孰貪進而靡害彼彭韓
豈不皆王兮卒囚執而俎醢木以材而菑及兮馬以力
而取敗予羨夫二疏之鑒止兮齊縣輿而脫駕彼非不
知炎炎者之爲榮兮固恐阽危而逢禍重曰世淆雜而
溷揉兮棄騏驥而不驟蘭芷不值于路兮蒿艾蔽而成

林予縱有龍駒與紫燕兮孰能執策爲余先容呂尚棘
津之屠叟兮文王載之車後甯戚賤牧兮桓公勃焉舉
于牛口彼二子之鞠戚兮故世人之所訾徵古人之軌
迹兮聊淵潛厲吾初志熾趨曲趨兮匡士所惡旋辟中
墨兮又羣情之所妬予亦知圓行而方閣兮勉弗能改
此度也驥伏櫪而奮身兮願一顧而求試服罷驢與羸
駟兮又驥之所耻退歛策而改輻兮循矩矱以自飭驅
與狐狸並逐兮信不如其巧速寧驂罷服羸全以自終
兮豈能與韓盧逐魏而鬪行步之工

九詠

九詠者何景明之所作也其辭摹擬九歌不能自出
機杼昔人有云異其言自不得不襲其意耳

紫貝宮兮瑤堂結蕙幄兮蓀床班文豹兮兩堦龍宛宛
兮翼梁設俎兮陳玉桂樽兮湛綠清灑掃兮愉穆望靈
車兮冀髣髴靈之來兮開九京欽百神兮紛往迹忽升
堂兮降席爛霏霏兮滿盈被靈服兮委委華英英兮容
裔并列星兮嵯峨纓曲虹兮倚靡座旣奠兮安歌衆倡
作兮音繁和紅顏臻兮交代舞傳芬芭兮揚織羅拊鳴

鼓兮循玉瑟樂齊會兮衍淫泆歛眇眇兮覩以密靈之
娛兮不終日靈之車兮倚桂旗駕玉駟兮驟文螭御飄
風兮乘輕霞返層霄兮起九逵來不語兮去無爲目眈
眈兮令予思予遊兮北渚往媵兮帝女水衝波兮潺湲
木蕭蕭兮葉下折蘭蕤兮將若華杳冥冥兮空望予予
朝兮北遊夕邁駕兮冀州覽文昌兮朝東皇冰霰凜兮
不可留朔飈振兮玄雲黝顧窮原兮增百憂肆改轍兮
西逝遵少皞兮故域素陰肅兮裂肌灑凝凝兮罔極積
霜周兮如陸靈之處兮安測晞溫暾兮扶桑訊靈居兮

陽阿六鰲兮載山冲天兮高駝蔽日兮濤來下徒翹首
兮柰汝何訪靈遊兮南麓悵赤華兮不燭有獸兮黑斷
有虺兮綬腹瞰朱海兮炎霧濁胡軒輶兮不我復嗟四
方之與上下吾又安知其所尋疑神鑑之莫邇豈余心
之靡忱羞蕙肴以罔薦蓄潔染而孰欽睇孔鸞之翠葢
像蒼虬之玉音下土幽暗而嶮巖兮需光澤之照臨

倚柱操

倚柱操者何景明之所作也序云魯漆室女倚柱悲
吟鄰人問曰欲嫁乎女曰吾憂國傷人民心悲而嘯

豈欲嫁哉遂自經而死予哀其志援琴而托其聲焉
免則有且兮烏則有羅國無人兮將柰何心之憂兮豈
曰予未有室家嗟嗟室家非我營兮我生曷榮兮

反反騷

反反騷者國子博士徐禎卿之所作也禎卿字昌穀
吳縣人其才博麗長于賦頌序云昔楊雄作反騷論
者多過之予閱原之含忠隕鬱且復獲謗遂援筆慷
慨賦反反騷辭曰

稽邛氏之攸肇兮纍楚均之遐陟侯帝頊之流胤兮水

靈澤之汪澈夙陳力于皇軌兮歆仁朗之所廬仄仰吾
均之潔修兮羗引軀以伏羲播昌烈之赫煜兮集衆芳
之霏霏憤遭世之耗濁兮雜紛揚於江之汜在炎漢之
微季兮孰臨岷而悼均投東藻之欲麗兮何理拙而誹
深寃志而抑道兮冀披誦而有明惟帝監之孔嚴兮敢
黨族而誣貞初均幼志於粹清兮乃中情之獨與寒勵
節以植身兮熹浩蕩之修譽進疊疊於中行兮恐日月
之凋邁準前修以共蹈兮遑先時而逆敗約性行以赴
渠兮經五常以綴佩靈修謂其允淑兮目成歡而叶妃

夫均旣沐靈修之昵澤兮又信言之噲噲苟中路而遷
好兮寧余心之有介汎光華之的皪兮衆眇眇而妬之
何有懼讒與招慝兮排蛾眉而錯之颺蕙服之芬郁兮
遭紛媚而幽毀寧遭幽以逆斥兮敢詭汗而合穢鳳凰
翔林而挂網兮龍行陸而困蟻爲神物豈無知兮亦處
身之多虞所貴賢者之韞玉兮不迷邦而遐舉哀宗社
之不長兮比干皇皇而不忍去世茂復以相明兮心耿
耿以無從涉湘波以南遡兮昭均心之確忠俗叢蕭而
鄣蘭兮實重華之所醜効精白以殞軀兮自先聖之所

厚奉靈氛之玄筮兮申以巫咸之嘉告覽九州以求匹
兮寧閨容之有淑測神占其未然兮豈均曾好此詭疑
諗從人以辱義兮不如赴身于淤泥餐秀芬以介齒兮
竟河清之難俟違苟生以保譽兮夫何悔于九死汎浮
雲之翳翳兮晦沈茫其曷排陽凌微而渝度兮晨北風
又雨霾精徘徊而不去兮憑拙誠其未爽人情重于捐
故兮焉冀白日之回光懷薜蘿與荏蘅兮時不與其有
芳雜緄拉以颺波兮馥烈烈其彌章精氣通于至清兮
神髣髴以憑虛駕玉蚪與雲驂兮訪太素之舊廬聞至

道其可承兮欽均誠之匪懈舍佚遊以自湛兮夫何以
誅其好怪昔貞士之蒙佞兮憤伏斃而靡悔務光沈於
淵瀨兮將惡浮埃之霏霽忠賢忉忉以苦身兮蓋有隱
於隳祚題三仁之所裁兮見嘆譽於孔父獨耿耿而覲
悔兮曾吾均之所尤日印愬之惟諉兮駢執正於陽侯

屏之山

屏之山者太白山人孫一元之所作也一元字太初
陝西人僑居武林築室於南屏山中海內名士莫不
與遊其人朗姿美髯飄然風塵外物也事多不羈如

費文憲罷相東歸訪之值其晝臥未起費坐久迺出
見頃費別去一元送之門忽矯首東望曰海上碧雲
起接赤城大奇大奇費謂馭者曰吾一生未嘗見此
人

屏之山兮高且閒雲冥冥兮水潺潺山中人兮古心顏
坐白石兮擷翠管雙鳥忽兮翻飛念塵世兮多違夕陽
下兮千里眇惆悵兮不歸

悼時賦

悼時賦者司馬王廷相之所作也廷相字子衡儀封

人序曰予謫毫之明年爲正德己巳時政愈急抑鬱憤悶臥郡齋者數月乃賦以自釋焉

何予生之弗獲於時兮熙和返而淒其固玄化之有變
革兮情沉抑而如危蒼梧邈而皇逝兮重華逃以何追
畢原蕪而鳳隱兮文胡爲而在茲緊哲謨將以援世兮
衆咸難予之施豈弗省同流之爲自全兮非素心之所
期虎九關而嚇衆兮鴟羣嘯而晝翔靈曜習其冥塞兮
兩儀黯黯而不彰巉喬嶽以路絕兮江河廣而無梁帝
遠而不照余之忠誠兮知進退之不予臧諷同心以求

正節兮曰聖哲之所常年鼎鼎不予貸兮恐清修之不
揚希鳳鳥爲友于兮接文鵠爲予侶結薜荔以爲紳兮
帶芳杜與幽芷予恃此以自媚兮奚取容於羣子苟終
獲此皜皜兮雖沒齡而靡悔彼飭婪而好進兮予犯衆
忌而獲愆恒申申以忠告兮彼朋訾而不予然嗟時命
之不可追兮矧毒夫之乘權在聖智或靡周兮予孱劣
而奚宣強心娛而偷安兮非道軌之所尚覽彭咸之茂
潔兮紛醜面於俯仰哀白日而途迫兮胡不高駕而獨
往苟予踪之可以遁滅兮又何情戀於吾黨涉洪河以

揚舲兮汎滄海之三洲登崆峒以發軔兮歷五嶽之崇
丘雲霧隱隱而蔽虧兮潮淼淼而吞舟叢萬嶮之不可越
兮叫帝閭而無由將東浮于三韓兮南走乎盤瓠之野
趨疏勒之龍沙兮及華胥於西夏迥重譯而靡通兮雖
語笑之莫辨俗淫悍而殊中土兮更陰陽之爲沴云僻
陋之可居兮要情性之舒展吾生尚不自得兮何九夷
之爲善超三山於鰲極兮棲神洲以爲家友羽人以徜徉
兮接浮丘之靈槎駕玄虬以遠遊兮折若木之瑤華
捫三辰而載歌兮凌倒景而廻車固蒙莊有此寓說兮

實杳茫之無據予豈貪生之常流兮迷異道而誣世諸
有求而莫獲兮反予聰而大觀予苟不畔於道集兮行
窮困而志完矧沉冥而真詮兮終解脫乎憂患要時命
之不可俟兮胡悒悒以長嘆亂曰維河滴滴有泚清兮
牝谷之宵蠹爲陵兮涪水滔天底平成兮理亂相禪靡
常形兮詹尹著筮蔑以徵兮卓彼高志遺厥榮兮順命
適變聖通明兮殷憂忡忡文伯興兮履危俟時集爾慶
兮委順抱一維十之貞兮

巫陽辭

巫陽辭者王廷相之所作也

靈之遊兮江濱驅層波兮玄雲修余辭兮自信聊暇日
兮期君余悰結兮望苦庶靈焱兮來下吹喧闐兮節番
帶飄搖兮拂舞夾中流兮采倡宣悅康兮式歌以鼓披
杳靄兮陽之阿矯飛龍兮驚驚波擗蕙榜兮驟雲車象
愧惚兮君來過仰中天兮邈絕孰先容兮余達望不見
兮延佇中恍愴兮如渴飄風嘒兮淒淒行雨零兮霏霏
峰參差兮十二欲向君兮自疑望洞庭兮波漫浮沅湘
兮路艱歲將晏兮不來眇余愁兮山間巫之靈兮山陽

居日中央兮光離離君所歡兮願相善我思君兮君不
知君不知兮何求徒媒勞兮孔羞時不可兮苟隨蹇吾
道兮滄洲

春山辭

春山辭者陸文裕深之所作也意蓋贈別何景明云
登長坂兮望故都辭帝闈兮南鶩渡河梁兮春波時一
去兮難再怨芳歲兮蹉跎赴山靈兮夙約返初服兮芊
羅林深兮春莫草靡靡兮雲和猿避席兮空谷樹開障
兮崇阿左蘭兮右芷牽芙蓉兮輦蘿聊徜徉兮寤嘆澹

容與兮嘯歌望佳人兮不可即眇千里兮傷如何

楚辭後語卷八

少歌

樵李蔣之翹補撰

少歌者弇州山人王世貞哀其友宗臣之所作也世貞才極暢達與李攀龍齊名但所習庸淺大非騷派故其集有離閔沈慙續九辨諸什皆以艱難之詞文其平易之說似無足取特此作爲有九歌遺風姑輯之

帝清狂兮下窺窺齒斷斷兮齧諸華龍冥冥兮就屠蘭

當焚兮獲代蘇君不肯兮長留厭天氣兮上逍遙瓊弁
垂兮明璫流蘇濫兮珠裳蒼麟驟兮如組文霞織兮因
章命約約兮前報絜貳矯兮爲君導命凍雨兮洗塵條
風兮將旒吳鈎兮光陸離造閭兮前致辭帝何惠予兮
淑靈又何紛紛兮間之荃蕝離兮涼颼布秀何儵兮摧何
遽悲莫悲兮生存怨莫怨兮傷故華盈盈兮泫溥露嬋
娟泣兮朝復暮白楊兮孤墳奠椒漿兮誦招魂鶴鷗啼
兮颺羣趨念欲慰兮杳無人微言眇兮耀千祀披星辰
兮河漢滙顏齡兮超彭紀夫人兮自有美子

閩江兮綠波石瀨兮參差與汝遨兮武夷張雲帆兮曳
篲旂夫君兮安涉倏而來兮超若滅玳瑁宿兮雕梁鬱
金楣兮華璫丹荔兮火珠秋蓮兮碧房靈風宿兮如歸
君不御兮心煩思蛾眉侵兮鬢蟬波爲睒兮玉爲權櫻
的兮含芬新篁圻兮絳袖翻奉琴瑟兮偕定要羲輪兮
指秋河婉孌兮不他君胡爲兮見離遺傾國兮將柰何
望中洲兮吹洞簫迴倒景兮駐歸潮白雲兮流天金風
飄兮信靡傳中鬱結兮愴寃畏衆口兮私自憐
風雨煩兮晝促曜靈冉冉兮西浴野闌寥兮無人狐銜

草兮鬼嘯木羗躑躅兮不前遺予誰兮明燭青蘋兮蕭
蕭焚輪擊兮燭飄飄跳浪兮妖快志步武兮往不遂左
巉峽兮右困齋荆棘布兮待予人燐熒熒兮若沙傲扶
桑兮以未華波滔天兮蕩余宮余欲返兮憺無容將改
汜兮沙棠鼓陽侯兮河伯徂鸞何逝兮化翱翔矯青翰
兮不可方元氣結兮千秋蝟余腸兮滯留滯留兮怊怵
跡霞旂兮天之外薦石蜜兮炊雕胡中憂苦兮以爲茶
精光鬱兮夜如柘指長庚兮如所都光不奪兮玉摧芳
不凋兮蕙枯

幽鞠

幽鞠者濬人盧次梗柎之所作也序云柎既用事逮
繫濬獄與幽囚伍眷憤迷惑日無日月不知晦朔仰
天太息曰嗟乎聖人修身善道立命不貳賢者推運
循理以定所天顧柎微眇羅茲憲網問諸造物而已
因作賦以自廣其辭曰

帝顛頊之嬋媛兮皇波滄淮乎姬姜儻海岱蜿蜒於北陬
兮靈宗嘉牒於范陽遥雲雷之霍霽兮踈蹠改此南服
淑浚土作甘美兮躡康侯之芳躅皇傑梧董道以迪惠

兮母氏靜約而告育曰余夢文杏霍骭於霄漢兮芙蓉
擘而尚粹溢焱焰儵而進兮應龍鬣鬣而下眦偵蚴虬
以誦談兮頷仡攫而速惴億錯指以羣號兮明駉駉而
決背倏恍恍以隕虛兮覺懷姪而因基蹇余降於衛潁
兮幼好媵而岐嶷岌青雲之偉冠兮挾長劔之陸離朝
晞余髮於崑崙兮暮濯足於咸池擘招搖以爲祛兮履
慧星以爲綦余長喟其歷之未瑰兮勗修余之菲芳裁
薜荔以爲衣兮衷芙蓉之翠裳集菌菹以爲藉兮糝杜
蘅以爲棖揭旌於蘭皋兮稅駕乎芳之塘余迅減鞞以

高舉兮汨鍛翻而顛隕謂曾參之殺人兮談市虎而成
愼蒼蠅習習其貝錦兮魚目欵明月之璀璨嫫母愁以
媵媵兮擯西施之頰婉而自眴蝮虺佻佻於几筵兮戈
鋌森森以刺余目旣阨余之瘁麗兮又譖之以鈇拳低
曼睩彼狴犴兮桀血斷而封矚宵闐怒以蹲踞兮視將
踐踞而矯鵠檻柺蠅以黜軋兮棟偃蠖而壓翳縲纏纏
於伏棧以苦余兮仍反接而窘臂耳嘈嘈若有聞兮何
迤迴而怫悒目炯炯以或見兮佇鏗勿而復曠神軼氛
習習以潤漑兮精憧憧而往來覺塊然滯此一方兮心

惴惴而增哀，鷄鼠淫噓以啗余髮。兮魑魅含睇而毯毳，
僂品品相喃以對泣。兮禦糾糾而呵護，般逮余兮紛厖。
繫鵬鳥之巢蚊睫兮，焉能載此軀也。枕雕虎以燕憇兮，
又誰知不我虞也。悲時晷之遄邁兮，曜靈忽其西藏。微
霜淪而下降兮，恐瑤草之不芳。高馳志乎雲中兮，榮精
氣而相伴。王喬衙衙而弗顧兮，赤松告余又荒塘行。偶
偶獨日暮兮，安放乎不死之鄉。橫衝波而微舟楫兮，天
吳搖首而振怒。歷泰山之坎軻兮，魍魎齧盼以當路。後
狄寒以在柙兮，雖輕捷其焉去。鳳凰之罹尉羅兮，縛芟

芟之華羽抱鬱軫以顛處兮，呼蒼天以爲直。戒五嶽與
嚮服兮，禪河海使聽殛咎。錄遠以不聞兮，玄武違而莫
惻。何羣神之豐豐兮，靈炳燿而罔恤。夫余旣不能蟬蛻
於茲，蕪穢兮眇。乘風而長驚心，結思於大荒兮。鬼煢煢
而上度，激青雲之霏霏兮。飄風回而霽霧載，玉女於後
乘兮。飭豐隆以先路，羲和儼以驟。乘兮望舒翥而傲御，
征輕輶之闐闐兮。八鸞鏘鏘以迥步，承雲霓之氛靄兮。
靈旂繽紛，紛蜺虬乎翠羽。挹朝霞以爲餐兮，吸沆瀣之精
英。漱華池之飛泉兮，聆鈞天於帝庭。素女涕泣以淋浪

兮間緼瑟而呶嚶處妃歛歛以結軫兮潛咨語而沉情
余凌軒虛而佚蕩兮將擊結乎三光撰余轡而馳騁兮
問元化於勾芒採三秀兮眺瀛洲之微茫弭余節兮聊
解珮乎扶桑睇南州以凌厲兮嘉桂樹之叢叢召風伯
以驅煥兮謁炎帝於清宮何蒼梧之翳靄兮重華穆以
揚靈湘宥鱗而瀟灑兮二妃胡爲而弗從決白門以西
望兮覲蓐收於金樞氣濛濛以莽曠兮薄晻晻而誰須
觴王母之仙妹兮挾瑤池之芳都指玉勝以爲約兮歌
白雲以相愉荃旣締余以好艾兮絕弱水而進輅齊王

轂之礪礪兮指寒門而並鶩軼鐘山之幽黯兮令照之
以燭龍召玄武爲備禦兮勾辰翼乎紫宮託鷺鳥爲之
先後兮問太乙之繚垣靈剌剌以黝約兮鳳凰承旂而
飛軒雷師礪礪轟礚以震蕩兮列缺偏爍而施鞭護屬
員以堪余兮闐咤噤而俾還卒攬涕反此舊都兮潔筵
篔從卜乎巫咸日天地無隘兮物無終始變化互渝兮
幹流遷徙形氣轉薄兮或浮而沉造化沕穆兮禍福無
門聿性命之難言兮誰知其極萬物糾以雰盪兮又安
所止息惟大人齊物我兮以天地爲廬舍總山川於毛

髮兮騎日月以爲馬夫有虞之潛歷阪兮當曆數之在躬夏后胼胝而陟大寶兮季有光於黃熊震龍旒而夏積兮顧駕禍於周庭白魚躍以膺大命兮劉氏顯而有功奚五羊以自鬻兮由余振於西戎尚鼓刀於海濱兮仲父射鉤而桓榮仲連談笑以却嬴兮胥重繭而存楚條相后而餓死兮贊搖筆以光輔墨不黔以衛道兮孔轍旋而微伍光狷介以自湛兮夷顛領而振古夫道固無涯涘兮行焉知其所如惟恬澹與寂寞兮斯貞人之攸居從委命而榮流兮遊寥廓之鄉忽喪我而無是兮

觀泰初之茫茫余託蜉蝣與遊兮曾日月之徜徉忽歸鬼於玄壤兮又何足傷勉修余之俶服兮佩芳澤之幽蘭紉揭車之落英兮襲江籬與射干飾翡翠而綴珠被兮爛的皪而芊眠組綺縞而飄颻兮下結之以雙璠余媿美而自鑑兮何媒妁之可攀夫君眩而弗御兮亦余心之媿媿系曰天地縕綸何時明我欲見之心徬徨輾轉懷憂祗自傷超軼絕世窮大荒帝極洪洞不可量緘悲歸來卜巫陽勵志肥遯舍大章獲我所思樂無疆

放招

放招者盧柟之所作也

盧柟繫獄三年形容枯槁智慮殫怒若就死亾太上巫彭往見之曰聖人慮事遠而識見明夫子懷志惻憊鬼魄滑異寔之弗招迨就之替恐不能渡諸技焉盧柟曰積榦疆固則魂凝精氣專一則神澄余無所用招爲巫彭曰夫子孰與屈原踏踏斤斤慙慙揚揚而懷沙湘流窮招弗返迭殫思於師陽夫生不用招奄者旣遐而後偃衣長嘯宐乎長逝遠暝與終古而寂寥焉遂大招曰魂兮歸來歸來何爲乎舍君之修幹散而之四方且捐

君之先故獨無所徬徨且歸來歸來陽氣雜糅恐君之罹傷且魂兮無東東有巨壑且天吳八首壺鬣血斷且封狐九尾談笑昂睜且羿弧狼矢羽日綿淪且魂兮歸來不可爲隣且魂兮無南南有桑扈鑿齒袒操拔釵射蜮是食且俊妻其淵十日堯疑且競貓交踵儵忽千里齧人齧齧以談其臚且魂兮歸來離此不可測且魂兮無西西方之氣白濔莽曠不可識且吳姬晻昧日月所翳且黑水淵溱渺泮湍滴且女丑之尸蒙面奇怪且開明人面瞪視屭肩且蝮蛇佻佻雌豹是植且蝮犬狺狺

從首得噬且招拒是司往恐見癘且覓兮歸來無爲遠
邁且魂兮無北北方不可言且燭龍長暝玄豹蹲且貳
負反縛石室圍且竅竅龍首甘人吞且建木九櫨葉續
緇且五穀弗育斲冰餐且魂兮歸來何遠巡且覓兮歸
來歸來君無上此穹窿且帝神威馭馳使豐霽且豺身
鳥喙被髮鬢鬢且巨靈淵目其音若鐘且操啖青蛇蚋
繆絜躬且獲獯逐人不輟明瞭且覓兮歸來慎無往從
且覓兮歸來歸來君無下此黃墟且羴羊頰頰貪婪若
舖且叩鼻血吻九頭殊軀且飄飄倚逐甘啗顛顛且八

柱森挺齧若槁梧且魂兮歸來君何取餘且覓兮歸來
懋華夏且羲和傲御望舒逝且四時軌運交受謝且玉
燭均調昭大夜且昌光弗鬱八風華且象緯諧度道光
化且魂兮歸來樂無射且山岳盤礴五丘延且奧樞寫
宵沈流泉且巉翠漣漪競秀先且倕佺隱淪往來間且
瓊英玉津碧藍田且遐探掄採茹延年且琦環呈露俟
嬉倦且魂兮歸來都便閉且神州華域瀛宇宙且伏后
姒姓歷帝胄且朝市勔面宮殿湊且冕旒黼屨綦會秀
且紘統藻繹文數有且杠高九仞旒羽參且熊虎鞞畫

權先後且三圭徹侯威神構且獻法惟寬流澤懋且天
德離照多善宥且魂兮歸來美休遘且豕韋東壁康侯
神且浚宮有嚴次龍鱗且戶牖閑靜嫋嶙峋且魂兮歸
來嚬親臣且夏屋阿閣抗虹梁且旋室嫵娟飾壁璫且
三階平城黜聖章且方連采眉繚金綱且玉女牽牛闕
緞窻且偃仰儼雅交佩纒且蘭風靡離浥蕙光且曲屏
雕疏被芬香且朱綵黼潔畫長廊且圖繪譎佹矯飄揚
且龔熏珠箔鳩翠翹且碧璫縉縣熠琳瑯且金缸銜壁
蠓絳綃且象俎玉棲翦組繡且綺縞繽紛羅幃高且珠

被的皜綴瓊瑤且隋侯夜光蘭燭華且烟開洞房徵女
娃且分曹代御靚婉娥且周鄭艷女粲芬葩且長若落
英艾鬢髻且織紈綺縠媵以姤且調中易心都其可嘉
且肌理膩靡柔惠婉且靨輔貝齒宐笑嫣且蛾眉聯倦
目光爛且長袖善翳惠音歎且曼睭微波流視盼且精
彩神授志彌變且琦姿艷逸殊瑰變且揚詩約禮靖不
亂且離宮別館侍君之宴且桂區蘭畹密彤闈且繚簷
闔窰盤雲螭且穹臺倚榭鑿方池且碣磧小山扈溶涯
且芳若射干施葳蕤且毗卮芙蓉綠波湄且文鯨赤鯉

從塘陂且瓊簪珠級連姝麗且桑茵步輦極游嬉且魂
兮歸來無久違且庖廩肆事殺饌盈且麥稷麩麥到香
稷且秦薤蜀葵吳鹽蒸且越橘其酸香榛凌且苦醢鹹
酸八物豐且截脯靡鑿膾彌精且馳峯熊躡薑芷馨且
脯貊炮麝桂椒行且鰕鮪鱧膽燐鵠鷓且鮮鶴脯鼈膳
翎羹且五齊三鸞羞豆腥且酪澤蘇膩獸脂瑩且壘樽
刻鏤雲氣縈且玉酒湫灑九醞清且靈和希液夏凝冰
且瑤酌芳潔娛協情且歸來故塾媮樂有寧且西清東
序列巨虞且應棘搏拊考鏞鼓且倕鍾句聲填箎敵且

雲門五莖蹈大武且大雅既希鄭衛陳且女樂駢進簇
巾綸且新聲絕妙窮徵音且激楚結風陽阿繁且美人
半醉色靡徵且明眸皓齒揚朱唇且日略微盼遺精神
且奇服交璫望之若雲且二八鴈次舉趙舞且颯摺鵠
驚鷗鷖下且凌厲赴節動媚嫵且竿瑟闐奏枹鳴鼓且
羽綸鱗回紆雙廡且吳歛宋音遞綿縷且危筵離徹藉
甃甃且促觴交膝墮簪孺且沈酒繼夜勞珍厨且醪醑
解醒戲侏儒且欺猓鸢耽詭覲覲且鞮鞻韋鞮儀林胡
且躡鈿蹋醕緣都盧且娛酒既終步欄衢且周覽岐視

聊踟躇且攄翰撰思文璠璣且同抒賦歌畢歡娛且覓
兮歸來恣所圖且瓊轂翠衡駟六驎且旌旂承雲建格
澤且貔貅擁趨桓輝赫且弧旌在矢載鷹獨且豸且道
被綢遠獵且八陵十藪虞羽骼且麒麟騁騰伏園柵且
鋌連駒駮蹂貙獍且鳳凰鶯鶯鴻鷓且鷓鷃鷓鷃鷓鷃
婞孀且覓搜摭逐彌平陌且血輪割鮮多躡躑且游戲
倦紉言旋宮且較施劊刃招友朋且重觥錯几張華燈
且伐鼓闐鞀鑿石鐘且絕夜連曙嘯歌悰且樛蒲角巧
有瑤杯且象杯犀齒五木行且一呼十盧射先名且剝

柏蹕蹕白日窮且懷思長鑠壽岡陵且覓兮歸來永安
貞且淫佚縱度賢聖嫌且周穆八駿康遊畋且有窮不
軌譏隕顛且肉林酒池商辛殲且惜鑑不遠魂匪湛且
三后五帝憲章廉且盛德昭屆四海園且馨香至道徹
九天且丘索墳典載籍穢且禮樂苑囿文治淵且覓兮
歸來端視瞻且亂曰青陽攬轡兮萬物發生桃李灼華
兮芳杜蘅懷君之故兮超恍惚遊覽高舉兮窮淹沫蒼
螭駟駕兮杠虹旗飄風往邈兮君不來魍魎睢嘯兮從
後先被服薜荔兮飲石泉松篁叢靄兮杳不見天背行

誘驟兮馳堂隍周游上下兮歸故鄉若木敷華兮翳陽
靈白露瀼浩兮皋蘭辭榮時不可再兮日蹉跎鴻鴈嗚
嗚兮水揚波崇期恢曠兮芳草茵方軌結鶩兮車麟麟
衛之澣兮伍之南雲溶溶兮發澄潭晞靈駕兮步晴嵐
竟兮歸來胥盤桓

今已矣

今已矣九章予師公魴周九畝之所作也師名家子
少孤而貧事其母至孝恐有家累及三十不娶其爲
人任癖縱誕喜飲酒罵其坐寡交遊不諧於俗數奇

難得一第嗣後益發憤於書無所不窺立就百千萬
言如風雨集而江波流也此作言言皆淚特自寫哀
怨其一班耳傳誦海內聞者莫不掩涕呼彼蒼曰何
以令才士淪落至此

瞻彼灘沙兮有鳧雛依依傍母兮相懽呼嗟我飄泊兮
在江湖經年背母兮客身孤噫今已矣天若憐我再生
兮世世但願爲鳧雛

瞻彼庭樹兮有慈烏羽毛差整兮能反哺嗟我昂藏兮
一丈夫存者莫養兮死者徂噫今已矣天若憐我再生

兮世世但願爲慈鳥

瞻彼在原兮有鵲鴝飛則搖搖兮行則鳴嗟我筑筑兮
無弟兄哀哀孤鳴兮不成聲噫今已矣天若憐我再生
兮世世但願爲鵲鴝

瞻彼中林兮有鷦鷯一枝安棲兮南有喬嗟我多難兮
室翹翹年年歲歲兮傍人飄噫今已矣天若憐我再生
兮世世但願爲鷦鷯

瞻彼喬木兮有黃鳥嚶嚶求友兮春方曉嗟我孤飛兮
身渺渺嬌喉啼斷兮知音少噫今已矣天若憐我再生

兮世世但願爲黃鳥

瞻彼中原兮有白雉朝挾兩雌兮飛且止嗟我綏綏兮
在河涘枯楊生稊兮何日始噫今已矣天若憐我再生
兮世世但願爲白雉

瞻彼太倉兮有鼯鼠陳紅腐朽兮多餘黍嗟我經旬兮
火未舉釜甑生塵兮何所處噫今已矣天若憐我再生
兮世世但願爲鼯鼠

瞻彼差池兮有鷦鷯褐衣不結兮而覆身嗟我一裘兮
積幾春捉衿見肘兮爭病人噫今已矣天若憐我再生

今世世但願爲鷓鴣

瞻彼楚楚兮有蜉蝣朝生暮死兮何悠悠嗟我百重兮
一身周欲死不得兮空憂愁噫今已矣天若憐我再生
兮世世但願爲蜉蝣

乘桴廣引

乘桴廣引者臨漳太史黃道周之所作也此文格調
不類楚騷第較之上居漁父似不異體中間志意又
實與屈氏結千載相知至別作亦皆逼古不作尋常
規式寥寥海內僅見此人

夫子適趙誠聲於河帷裳漸車鱗甲生波四顧滔然作
而歎曰丘不濟此實命也夫若夫東闕天浸俯盪地軸
虎豹失山龍虵激陸望奔馬之橫流震太華於西覆外
若汎舟中若集木相夷服而可居哀舟楫之不作其先
則有軒轅之帝邁跡丸山遺居玄扈從七夜之流魚詔
萬神於陰浦汾陽有喪我之心丘壑有昆虞之慮皇娥
筮之浮於窮桑其兆得吉洵維厥裔各極四藩耀若華
於日出舉鳳駕於窮鷄踐北澤之黃虵馭東海之青蠻
穆子筮之從於禹疆其兆得吉又有孺帝高陽東漸蟠

木儻彩鳥於搖山棄長琴於大壑淳芋筮之叶於歸墟
其兆得吉亦維帝堯欲刈其莞而逃於蚤冠崔巍於蓬
萊難日月於爍火伯益筮之徙而南棲其兆得吉又有
帝俊之靈其化離越禮三壺於九淵帶八鴻於四達竹
林蔽江瓊枝覆月夜不績而自縈稼驕翹其向發相鴻
筮之託於乘黃其兆得吉又維有棄夾魚以龍建木之
西蹤淵其中入膏黍之沐沐潛大澤之泐泐九巫筮之
守其靈服其兆得吉及於文密從玄蒼而稽經分青赤
而入穴冀得澤於猶來流不濁乎繼發負舟曷疑裸國

爰沒帝開筮之獲天之籙其兆得吉又維偷王用其獮
虎金版出地玉馬逃藪馳寶器而入周關朝新而開土
狂叔筮之子飛不食其兆得吉亦維二姬中懷鬱尼適
塞庫而得誅昌玉門而見羈獨舉之爲清先見之爲智
釋衡陽而不居名勾故而得疑泰伯筮之沉於東南其
兆得吉於是乘桴廣覽四海紀之以招搖要之以太歲
審衆哲之所從信九垓而無外爾其人民則有氣孕之
渾厖神生之奇窅窅候月於靈芝辨占風於相鳥陸生
蹈波潛行釋棹其君子則有冠帶之國明組之邦馴獸

象於周圍韋承改於夏封其宮室城郭則有市集穴人
臺稱衆帝蟹兼千里之環蚌吐層城之氣其祥異則有
翔鸞戴啟遺玉肉視三壽之狐來征於伯杼九井之禾
上升於仁羿其安駕則有騰黃著角史林尊耳慨得馭
之千歲亦凌波於萬里其饋獻薦璧則有琕珮百雙枝
斯千篋發羣玉於鼉梁繪玄華於瓊牒丹舍天櫃之山
珠綴玕琦之葉其父子昆弟夫婦君臣朋友則有連臂
之司遞主而王復蘇之民相發爲世士羣處而不矜女
不夫而得繼繩之以德蠡然不異其號甲渙顯狗風而

披揚波而震取鹹於澤不見其盡於是缺焉望崖莫極
因之反顧九有頓失銀河與激水而俱僵月槎與泛梗
而齊出赤龍時來大魚方溢綠文滙闔色之波景氣盪
鼉鼉之室金銀之闕議而不存方壺之丘辨而不悉但
蒼茫而下上兼千古之髣髴於是榮光不至羞沈璧於
臨河彎弧而奔濊比妃於洛水見赤人之提槩東海尚
潛麾黃鉞於陽侯西山徒恥於是循南樞之孳孳辨日
出之湯湯考納謀於齊景陋獲魚於帝荒舞水商禽詎
詢楚沴銜書赤鳥不問吳亡於是巨鱗負石避箕尾之

上星赤鯉絃歌去通藝之末列涓子貽論於彭咸崔嘉
致辭於徒狄於是鬱確回連已蕩丘陵之陂泮水攸魚
不顧鴟梟之寶先人無櫻罌之夢傷行無迷陽之草於
是改轍從舟棄車臨波載覽滄茫焉求斧柯乃託緋纒
之詩而興沂泗之歌後漢伯維亦聞而作曰嗟乎行哉
吾以虛獲實終不償失夫盛明之際尚不委質而今不
去今竟何爲哉祖敏之徒乃歌遠遊擊其汰曰猗歟然
哉屈氏有言超氛埃而淑郵兮終不反其故都危衆患
而不懼兮世又焉知吾之所如

攘詢賦

攘詢賦者蔣之翹之所作也序云翹坎壈於世蒙讒
負譏酒後時耳熱歌嗚嗚牢騷之氣勃不可下也因
感屈子忍尤攘詢一語作賦以自傷焉其辭曰

余幼好此奇行兮耿旣得夫中路任倬直以秉質兮結
琳琅而延佇汨滋芳之百晦兮恐白日其欲莫驂玉虬
以乘雲兮待九州其徑度紛吾有此修能兮善習禮而
嗽詩競內美而棄穢兮指九天以爲知衣製秋鞠之落
英兮裳集幽蘭之纒纒餐朝霞而吸露兮標杜衡與芳

芷世溷濁莫我知兮訛訛其詈予好障美而稱惡兮錯
耿介爲昌被鳳凰笈而夜饑兮龍剝鱗而困蟻瓦金尚
黃鍾之聲兮棘榛樹乎蕙將刈夷光皎其嬋媛兮嫫母
戚施而蔽之騏驥騁多蹶兮焱駑駘以先驅凌桃蟲於
曾霄兮鵠病翮而下射女顧頷而潛潛兮朝南山乎蒼
蔚后辛嫉昌以謀菹兮匡惡孔而鼓刀曾魯參其殺人
兮犬聲影而邑嗥怵侘倖余欷歔兮涕汪汪其若雨固
知蹇蹇之不周兮呼玄穹而與語曰惟黨人之貪婪兮
馮害妬而素慝設事變以誣置予兮遘羅網之難釋憐

酷夏以鞭箠兮血與淚之交流愍治縲絏而非罪兮莫
蹇博之離尤疇依前修以立行兮旣無徵而不服又申
之以身毀兮重宐蒙詬而遭怒欲從彭咸之所居兮惡
狷介而不可哀生人其多溺兮蹇孰皇與援者出北門
而隱軫兮民離散以流亾彼美人之浩蕩兮思隤側而
不忘初旣與余目成兮羌改路于中道也閨中邃以遠
兮莫與寤其可悼也竟營營而靡止兮溘此遊乎上下
朝吾將叩夫帝閭兮上崑崙而縹馬天吳九首肉予兮
路嶮巖莫與行叢棘夾復下石兮屯陰霾而徬徨矯蕙

纒以紉蒞兮閭闔倚其拒芳雖世替亂而不分兮徘徊
乎吾將反涉流沙而旋顧兮攬弱水之緒風進不前以
遭迴兮焉洋洋而退窮冰夷鼓之以淦渤兮鯨人面手
以蒞予舟欲覆而楫截兮圻不逼而莫御攬菌桂以掩
泣兮我獨萃此此俯靜思不可以奮飛兮獲大陸焉戾
止旋崎嶇以多艱兮騰豺虎使徑待猛讎談而踞齒兮
儼當關其可畏哀時命不及古人兮欲刻方以就圍悲
嚴霜凜中庭兮蕙草儵其改顏不我知其亦已兮傷國
之無人焉不昭其癰君兮軫此衷其誰申彼飾玉而緣

鵠兮商履用以該輔非熊羆而屠涓兮西伯夢之得舉
鑿及枘之不量兮荃孰揆余中情望白蘋而萃鳥兮橫
木上而施曾雩北風而雨雪兮山峻極而掩日曼值夜
之方長兮晦與晦其相接忽重念夫遠征兮歷碣石與
扶桑恐幽昧其相猶兮終蜷局于舊鄉屯百難其繁遭
兮固誚憎之所畢羗忍尤而攘詢兮願依湘纍之遺則

讒賦

讒賦者蔣之翹不理于口作也

屈原仕楚爲懷王掌三閭之職同列上官大夫害能讒

於王而疏之原遂憂思煩亂以作離騷女嬃曰汝博寒
好修何故至於斯也原曰惟余侘傺於此時兮誰知故
之媵節唯驕人其悒淫兮迺幡幡以捷捷夢不馮以矚
諧兮跪敷衽其媒蘖謠詠而齟齬兮口維莠之桀桀蒐
幽慝以滄訛兮競經南箕于長舌旣逝影而遙遠兮猶
隔水以射沙鷗鳩鳴菱夫芳兮曾靈修其數化青蠅薨
薨蒲庭兮孰貝錦之可觀紛彼有此謗缺兮淘杯水而
凜渙圖瀾奏如簧而樂聽兮噴芬脆以空餐曰鸞鳳雖
熠其輝文兮不如鴟鳩之可媒也泰山固高高兮恐卑

於蟻垤之崔嵬也斫桐梓而爲薪兮棄蘭茝而不芳駕
瓦礫於尺璧兮魚目實晶燿夫夜光閭媿蹇其不可媒
兮尚刀斧而空喜倒土以爲下兮錦與雜布其曷異餐
椒露及菊蘂兮萃謂予以善鬻胡蕙纒之纏纏兮獨遺
夫資菜而與蔬蕭荃不揆而如醜兮益譏譏以銷骨國
之人不可戶說兮徒耳食以相訐固余知蹇蹇而譙讓
兮其露晷之如此也捐規矩以改錯兮寧畢誦訾背憎
以溘歿也竟搖搖而靡定兮徒頽頽以潛潛日將莫而
傷美人兮豈儻恍而畏讒女嬃曰然今天下讒之不止

者必女也

行路難

行路難者不知何人所作其辭悲壯直可與易水大風相上下至于天荆地棘四字尤奇

雲漫漫兮白日寒天荆地棘兮行路難

吊屈原

吊屈原者亦不知何人所作骨力道上詞復香豔九歌之遺韻也

居閬風兮歷十洲乘白螭兮悠悠杖玉劍兮披翠裘佩

琳琅兮鳴璆雲容容兮風颼颼奠桂酒兮靈來遊誦懷沙兮使我心愁眇儵忽兮瑤席收望汨羅不見兮空餘千古之離尤

楚辭後語卷八

終

李氏

廿一



